

Fjármála- og efnahagsráðuneytið
Samráðsgátt, mál nr. 291/2019

Hellu, 6. desember 2019

Umsögn um drög að frumvarpi til laga um breytingu á ýmsum lögum vegna breytinga á lögum um skyldutryggingu lífeyrisréttinda og starfsemi lífeyrissjóða

Vildi vekja athygli á og taka undir sjónarmið margra og gera athugasemd við nokkur atriði í fyrirleggjandi drögum að breytingu laganna.

Tilurð hinnar svokölluðu tilgreindu séreignar í kjarasamningi aðildarfélaga ASÍ og SA frá því í janúar 2016 hefur verið umdeild og almennt ekki verið til einföldunar á lífeyriskerfinu og starfsemi lífeyrissjóða. Þær breytingar sem lagðar eru til nú á þessu formi þ.e. hinni tilgreindu séreign gera það að verkum að lítill munur verður á tilgreindri séreign og frjálsri séreign. Það er því full ástæða til að nota tækifærið nú og ganga lengra og samræma þessi form að fullu. Um er að ræða samræmingu á útborgunarreglum og fjárfestingarheimildum. Á hátíðarstundum er oft talað um að þurfi að einfalda lífeyriskerfið, oftast er þó reyndin önnur líkt og nú er lagt til. Nú er tækifæri til að taka skref til einföldunar og er hvatt til þess hér með.

Í ljósi þess að sjóðurinn starfrækir ekki séreignadeild og hefur verið að færa séreignariðgjöld til annars vörsluaðila með tilheyrandi óhagræði og mögulega kostnaði þá væri það auðvitað betri kostur ef viðkomandi launagreiðandi gæti fært séreignarluta iðgjaldsins beint til þess vörsluaðila sem sjóðfélagi kys. Ótvírætt hagræði fólgði í því og án kostnaðar. Hvet til þess að sú leið verði valin.

Loks er rétt að hvetja til þess að gildistökuákvæðið taki breytingum. Það að þessar breytingar eigi að taka gildi frá og með 1. janúar nk. er auðvitað vanhugsað. Þær breytingar sem lagðar eru til eru það viðamiklar að gefa þarf meiri tíma til undirbúnings. Um er að ræða breytingar á samþykktum lífeyrissjóða og ekki síður breytingar á iðgjaldakerfum sjóðanna. Gefa þarf rýmri tíma til slíkra breytinga svo vel eigi að fara.

Virðingarfyllst,

Fh. Lífeyrissjóðs Rangæinga

Þröstur Sigurðsson, framkv.stj.